



www.BibleForChildren.org




John 14



Jesos ogi inan okikinoamaganan: “Ka8in
animendakegon. Teb8etaok Kije Manido acitc kenin
teb8etaocik. Nidija adi e tedj Nidadam. lima dac ka tedj,
kitci magi ta8ate mane a8iagog kidji iji tajike8adj.”



“Kicpin ega teb8emagagiban, kida 8idamonom. Kiga ojitamonom taji ke iji tajikeieg. Apitc ick8a ojito8an taji ke iji tajikeieg, kiga pi nadji8ininom. Midac taji ke teian, mi acitc kekina8a ke teieg.”




Nin John, kidjiki8e8a. Jesosikag ka iji mama8iseiak,
kakina kikodagitomin, kakina kidiji tibendagozimin
Jesos Odogima8i8inikag, acitc kakina

kicacibendananan
meg8adj e animiziak.




Nin dac, nigi takonigo acitc nigi iji asigo ooma
minitigokag, Patmos ka ijinikadeg, osa mega nigi
kagik8e Kije Manido odikido8in, acitc nigi

8idamage adi ka pi
todag Jesus.




Teci8ag Mino Manido nigi pidigeckag. Kegapitc nigi
8abadan kitci ogima8i tesabi8agan 8ak8ig,
a8iag dac iima taji abiban.




Nigi noda8ag acitc kakina kagi kijenimagani8i8adj
8ak8ig, akikag, anamakamig, kitcigamikag,
mizi8ekamig e nigamo8apan oo8e:

“Aa8e ka abidj kitci ogima8i
tesabi8aganikag acitc aa
Mantcenices, . . .”



“ . . . kagige kada icpenimagani8i8ag, kada
manadjiagani8i8ag, kada kitcit8a8endagozi8ag,
acitc kada macka8izi8ag.”




Nigi odji 8abadan Kije Manido okitcit8a odenam, ocki Jerusalem, 8ak8ikag Kije Manido ka iji tedj e odji nisada8emagag. Tabickotc ik8e ijinag8anoban kagi kitci minojiciidizodj kidji nda niba8idj o8idigemaganikag. Nigi noda8a a8iag kitci ogima8i tesabi8aganikag e odji anim8edj.


Ki kitci kiji8e ekidodj:

“Ndotamok!


Nogom Kije Manido o8idji tajikeman a8iagon. 8inikag kada iji tibendagozi8an. 8in Kije Manido oga 8idji8an acitc kada iji Okije Manidomi8ag.”




Mina8adj dac aa ajeni nigi 8abadaig sibini, ii nibi
pimadizi8ini ka migi8emaganig. Kitci tcakide dac
tabickotc asini ka kitci sanagagidagozidj ka
cab8atenagozidj, acitc Kije Manido acitc Mantcenices
okitci ogima8i tesabi8agani8akag odjidji8an.



li dac odenag ka8in mamakadj kizison
onada8enimasi8an kek8an tibikikizison kidji 8aseanig,
osa mega Kije Manido odicpendagozi8in o8aseatoni,
acitc ke8in Mantcenices o8aseaton odenani.



Madji kegonan dac 8in, ka8in kada pidigemagasino8an.
A8iagog ka madjakamigizi8adj acitc ka kagina8icki8adj,
ka8in kada pidigesi8ag. Mi eta igi
kegi pidige8adj kagi
mazinadenigin o8izoni8an
Mantcenices
omazinaiganikag, ka iji
mazinazo8adj igi8e
a8iagog ke aiamo8adj
kagige pimadizi8ini.



“Oga toda8an ega mina8adj kidji kackendamindjin.
Ka8in 8ikad mina8adj kada nibonani8asinon, ka8in
kada kackendag8asinon egi nibonani8ag, ka8in kada
ma8inani8asinon, kek8an ka8in kada
8isagendag8asinon. Kakina 8eckadj
kegonan ka8in 8ikad mina8adj
kada koki tag8asino8an.”




Ka8in dac 8ikad kegoni Kije Manido ka ikidodj ega e min8acinig kadagi tag8asini iima odenag. Kije Manido acitc Mantcenices okitci ogima8i tesabi8agani8a kada ateni iima odenag. Igi8e dac ka anokita8a8adjin Kije Manidon oga icpenima8an.


Maiagotc oga 8abama8an, acitc kada ojibiigadeni Kije Manidon o8izoni oskatigo8akag.



Nigi 8abamag kakina kagi nibo8apan, igi8e ka
apitendagozi8apan acitc igi8e ega ka apitci
apitendagozi8apan. Nigan kitci ogima8i tesabi8aganikag
tajigaba8ibanig. Ki pakanenigade8an dac mazinaiganan.
Acitc kodag mazinaigan ki pakanenigade, ka iji
mazinazo8adj igi8e a8iagog ke aiamo8adj
kagige pimadizi8ini. Apitc kagi
pakanenigadenigin ini
mazinaiganan,
Kije Manido ogi
tibakonan a8iagon kagi
nibonipanin.




Ogi tibakonan adi kagi pi inakamigizindjin, kagi
ojibiigadenigiban iima mazinaiganikag. A8enenigotc dac
ega mazinazodj mazinaiganikag ka iji mazinazo8adj
igi8e a8iagog ke aiamo8adj kagige pimadizi8ini, ki
iji8ebinagani8i iima ickodekag tabickotc
sagaigan ka ijinag8anig.



“Pi koki pijan,” Mino Manido acitc aa ik8e ka iji niba8idj Mantcenicesan, odina8an Jesosan. Kakina kina8a ka ndotameg oo8e, ikidok kekina8a: “Pi koki pijan.” Kina8a ka mamida8abag8eieg, pi nda k8abaamok nibi ka migi8emagag pimadizi8ini,

ka8in kegon
inagidag8asinon.



Kije Manido mega epitci sagiadjin
a8iagon, ogi pidjinija8an Og8izisan ka
motci pejigondjin. Kakina dac a8iagog
ke teb8eta8a8adjin Kije Manidon
Og8izisini, ka8in kada 8anicisi8ag,
tiegodj oga aiana8a kagige
pimadizi8ini.



Romans 3:23 Kakina mega ki patadi8ag, acitc ka8in a8iag okackitosin kidji 8idji8adjin Kije Manidon ka apitci icpendagozindjin.

Romans 6:23 Kicpin mega patadiak, kikackitamadizomin kidji nibo8ak. Kije Manido dac 8in kica8enimigonan kagige kidji pimadiziak, e abadjiadjin Jesus Christan ka Tibeniminak.

Hebrews 9:27 Panima kakina a8iag kada nibo abidinaj eta. Ick8a dac nibodj, Kije Manidon oga tibakonigon.

Ephesians 2:8,9 Epitci kitci kije8adizidj Kije Manido, kigi ca8enimigo8a kidji ag8acimigo8eg, egi teb8eta8eg. Ka8in dac kikackitosina8a kina8a tibina8e kidji ag8acimidizo8eg. Mi sa Kije Manido ka iji ca8enimi8edj.



Ka8in dac a8iag kadagi kitci inadjimidizosi e ikidodj kegoni
egi todag kidji gi odji ag8acimagani8idj.

Romans 10:9,10 Kicpin dac 8idamageieg “Mi aa8e Jesus
ka Tibendjigedj,” acitc kicpin teb8etameg kidei8akag Kije
Manido egi abidjibaadjin Jesusan nibo8inikag, kiga
ag8acimigo8a Kije Manido.

A8iag mega odeikag iji teb8etag, mi ke odji
k8aiak8abamigodjin Kije Manidon. A8iag dac 8idamagedj
“Mi aa Jesus ka Tibendjigedj,” mi ke odji ag8acimigodjin
Kije Manidon.

John 3:16,17 Kije Manido mega epitci sagiadjin a8iagon,
ogi pidjinija8an Og8izisan ka motci pejigondjin. Kakina dac
a8iagog ke teb8eta8a8adjin Kije Manidon Og8izisini, ka8in
kada 8anicisi8ag, tiegodj oga aiana8a kagige pimadizi8ini.



Kije Manido mega ka8in ododji pidjinija8asi8an Og8izisan
ooma akikag kidji tibakonandjin a8iagon, tiegodj kidji
ag8acimandjin.

8adan dac oo8e ka ikidodj Kije Manido. Kigi minigonan
kagige pimadizi8ini, egi teb8eta8aiak Og8izisan.

A8iag ka teb8eta8adjin Kije Manidon Og8izisini, kagige
pimadizi8ini odaian. A8iag dac ega ka teb8eta8adjin Kije
Manidon Og8izisini, ka8in odaiasin kagige pimadizi8ini.

Kidojibiamonom oo8e kidji kikendameg aja e aiameg
kagige pimadizi8in, kina8a ka teb8eta8eg Kije
Manido Og8izisan.



John 14; 2 Corinthians 5; Kagi iji 8abadaagani8idj
John 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Algonquin New Testament (alq) © 1998 Canadian Bible
Society

<https://www.bible.com/bible/487/MAT.1.ALGNT>

©2026 Bible for Children, Inc.

www.M1914.org

www.bibleforchildren.org

